

18-07-2023



Broj: 10/1-34-41783-8/22
Datum: 17.7.2023. godine

Priloga: 18-07-2023		
Org. jed.	Met. broj	Br. priloga
01	F214-2	

Na osnovu člana 31. stav (4). Zakona o visokom obrazovanju – prečišćeni tekst („Službene novine Tuzlanskog kantona“, broj: 21/21, 22/21, 5/22, 11/22 i 16/22) i člana 27. stav (1) Pravilnika o postupku akreditacije visokoškolskih ustanova i studijskih programa („Službene novine Tuzlanskog kantona“, broj: 2/22), u postupku rješavanja po zahtjevu JU Univerzitet u Tuzli za klstersku akreditaciju studijskih programa prvog i drugog ciklusa studija Engleskog jezika i Bosanskog jezika Filozofskog fakulteta, ministarstvo obrazovanja i nauke Tuzlanskog kantona (u daljem tekstu Ministarstvo) donosi:

RJEŠENJE o akreditaciji studijskih programa

1. Akredituju se studijski programi prvog i drugog ciklusa studija Engleskog jezika i Bosanskog jezika Filozofskog fakulteta Univerziteta u Tuzli, i to:

- Engleski jezik i književnost – I ciklus
- Prevođenje engleskog jezika – II ciklus
- Metodika nastave engleskog jezika – II ciklus
- Angloamerički književni studij – II ciklus
- Lingvistika engleskog jezika – II ciklus
- Bosanski jezik i književnost – I ciklus
- Bosanskohercegovačka književnost u književnohistorijskom kontekstu – II ciklus.

2. JU Univerzitet u Tuzli je ovlašten da dodjeljuje akademske titule, zvanja i izdaje diplome koje se stiču izvođenjem studijskih programa iz tačke 1. ovog rješenja na ovoj ustanovi.

3. Rješenje o akreditaciji izdaje se na period od pet godina.

4. Obavezuje se JU Univerzitet u Tuzli da najkasnije šest mjeseci prije isteka roka iz tačke 3. ovog rješenja podnese zahtjev za ponovnu akreditaciju studijskih programa.

5. Ovo rješenje stupa na snagu danom donošenja.

OBRAZLOŽENJE

JU Univerzitet u Tuzli je podnio Ministarstvu zahtjev za klstersku akreditaciju studijskih programa prvog i drugog ciklusa studija Engleskog jezika i Bosanskog jezika Filozofskog fakulteta, aktom broj: 01-7214-1/22 od 26.12.2022. godine, i to za studijske programe: Engleski jezik i književnost (I ciklus studija), Prevođenje engleskog jezika (II ciklus studija), Metodika nastave engleskog jezika (II ciklus studija), Angloamerički književni studij (II ciklus studija), Lingvistika engleskog jezika (II ciklus studija), Bosanski jezik i književnost (I ciklus studija), Bosanskohercegovačka književnost u književnohistorijskom kontekstu (II ciklus studija), Povijest bosanskog jezika (II ciklus studija) i Metodika bosanskog jezika (II ciklus studija). Podneseni zahtjev Ministarstvo je zaprimilo pod brojem: 10/1-34-41783/22 od 27.12.2023. godine. Ministarstvo je nakon toga dokumentaciju dostavljenu od strane JU Univerzitet u Tuzli aktom broj: 10/1-34-41783-2/22 od 23.2.2023. godine, dostavilo Agenciji za razvoj visokog obrazovanja i osiguranje kvaliteta BiH (u daljem tekstu: Agencija) sa prijedlogom za imenovanje članova Komisije stručnjaka za klstersku akreditaciju studijskih programa prvog i drugog ciklusa studija Engleskog jezika i Bosanskog jezika Filozofskog fakulteta Univerziteta u Tuzli (u daljem tekstu: Komisija).

Nakon što je Agencija utvrdila da se predloženi članovi Komisije nalaze na Listi stručnjaka iz člana 48. alineja 3.) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09 u daljem tekstu Okvirnog zakona), te da je predloženi broj i sastav Komisije u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik BiH“, broj 100/11 i 26/19), Agencija je

u skladu sa članom 49. alineja 4) Okvirnog zakona, imenovala Komisiju Rješenjem broj: 05-33-1-118-3/23 od dana 6.4.2023. god.

Na osnovu korespondencije Komisije stručnjaka u pripreмноj fazi organizacije posjete visokoškolskoj ustanovi, analizirajući dostavljenu dokumentaciju utvrđeno je da za studijske programe Povijest bosanskog jezika (II ciklus studija) i Metodika bosanskog jezika (II ciklus studija) ne postoje kompletni podaci u samoevaluacijskom izvješčaju na osnovu kojih bi se moglo zaključiti da su ta dva studijska programa trenutno aktivna u smislu izvođenja nastave. Imajući u vidu da „neaktivni“ studijski programi ne mogu biti predmet bilo kojeg modela akreditacije, Agencija je od Ministarstva dopisom broj: 05-33-1-118-5/23 od 23.5.2023. godine zatražila zauzimanje stava u pogledu navedenih studijskih programa. Ministarstvo je dopisom broj: 10/1-34-41783-4/22 od 26.5.2023. godine obavijestilo Agenciju da je Univerzitet u Tuzli svojim izjašenjenjem broj: 01-3054-123 od 26.5.2023. godine, povukao dva navedena studijska programa.

Komisija je u skladu sa Planom i programom posjete predmetnoj visokoškolskoj ustanovi, realizirala posjetu u od 29. do 31.5.2023. godine te nakon toga sačinila Izvješčaj u eksternoj evaluaciji.

Dana, 29.6.2023. godine Agenciji je dostavljen Izvješčaj Komisije domaćih i međunarodnih stručnjaka za ocjenjivanje i reviziju kvaliteta i davanje preporuka o akreditaciji klastera studijskih programa prvog i drugog ciklusa studija Engleskog jezika i Bosanskog jezika i književnosti Filozofskog fakulteta Univerziteta u Tuzli (u daljem tekstu: Izvješčaj).

U skladu sa Odlukom o normama, Komisija je ocjenila ispunjenost svih deset kriterija kao potpuno ili znatno ispunjeni, za studijske programe:

1. Engleski jezik i književnost – I ciklus studija;
2. Prevođenje engleskog jezika – II ciklus studija;
3. Metodika nastave engleskog jezika – II ciklus studija;
4. Angloamerički književni studij – II ciklus studija;
5. Lingvistika engleskog jezika – II ciklus studija;
6. Bosanski jezik i književnost – I ciklus studija;
7. Bosanskohercegovačka književnost u književnohistorijskom kontekstu – II ciklus studija.

JU Univerzitet u Tuzli bi trebao po prijemu Rješenja o akreditaciji svakog studijskog programa detaljno analizirati preporuke Komisije stručnjaka i napraviti Akcioni plan u skladu sa propisima nadležne obrazovne vlasti i Odlukom o normama. Akcioni plan treba da obuhvati imenovanje odgovorne osobe za pisanje, provođenje i praćenje realizacije Akcionog plana sa jasno definisanim odgovornostima, vremenski okvir za realizaciju preporuka kao i potrebne finansijske i ljudske resurse, te definisane mjerljive indikatore za praćenje realizacije Akcionog plana.

Na osnovu Izvješčaja i mišljenja Komisije da studijski programi prvog i drugog ciklusa studija Engleskog jezika i Bosanskog jezika Filozofskog fakulteta Univerziteta u Tuzli ispunjavaju propisane uslove za akreditaciju, direktor Agencije za razvoj visokog obrazovanja i osiguranje kvaliteta BiH dao je Preporuku o akreditaciji broj: 05-33-1-118-12/23 od 13.7.2023. god. i istu dostavio Ministarstvu na daljnje postupanje.

Na osnovu naprijed navedenog, Ministarstvo je cijeno da su ispunjeni svi propisani uslovi za izdavanje akreditacije za predmetne studijske programe podnositelju zahtjeva, te je donijelo odluku kao u dispozitivu.

Pravna pouka: Rješenje o akreditaciji je upravni akt protiv kojeg nije dopuštena žalba, ali se može pokrenuti upravni spor pred nadležnim sudom.

DOSTAVLJENO:

- 1 x JU Univerzitet u Tuzli
- 1 x Agenciji za razvoj visokog obrazovanja i osiguranje kvaliteta BiH
- 1 x Evidencija
- 1 x a/a

